

近代中國史料叢刊第五十輯
沈雲龍主編

鎮安晏海澄（安瀾）先生年譜

金兆豐撰

文海出版社印行

近代中國史料叢刊

沈雲龍教授主編

近代中國史料種類之繁，卷帙之多，遠過其他時代。就內容而論，可別爲原始資料（Primary sources of materials）與次要資料（Secondary sources of materials）兩類。前者如歷朝實錄、東華錄、政治官報、大臣奏疏、外交檔案、名臣專集、函牘手扎、日記、自訂年譜、回憶錄等；後者如官書傳記、行狀、碑誌、新聞記載、雜誌論文、私人筆記、以及參用史料，專題研究所得而成之史籍，與夫總合敘述史蹟之真相，而使讀者明瞭一事，成一時代之政治外交社會經濟情況之人民生活之專著等，均其明例。

本社向以搜集史料影印流傳爲職志。其卷帙較多之大清實錄、東華錄、十朝聖訓、清季外交史料，政治官報等鉅製，均已先後出版，甚獲好評。茲再商得近代史學家沈雲龍教授之同意，就上述範圍，代爲搜羅編輯卷帙較少而有價值之史料，陸續影印，並承惠允將其所藏罕見之孤本若干種先行借出攝印，以供海內外學人治近代中國史者之參考。

文海出版社謹識

中華民國五十五年十月

鎮安晏海澄先生年譜

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



www.docsriver.com 商家 本本书店
内容不排斥 转载、转发、转卖 行为
但请勿去除文件宣传广告页面

若发现去宣传页面转卖行为，后续广告将以上浮于页面形式添加

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



近代中國史料叢刊 第五十輯

目錄

W6207/05

鎮安晏海澄（安瀾）先生年譜……………金兆豐撰

民國經世文編（政治）……………經世文社編

民國經世文編（法律）……………經世文社編

民國經世文編（內政·外交）……………經世文社編

民國經世文編（財政·軍政）……………經世文社編

民國經世文編（教育）……………經世文社編

民國經世文編（實業）……………經世文社編

民國經世文編（交通·宗教·道德）……………經世文社編

黃克強·蔡松坡軼事……………天懺生·冬山合編

清代州縣故事……………蔡申之著

庚午孟冬

晏海澄先生年譜

杭邨章署




陝西晏氏
刊於北平

晏海澄先生像



晏海澄先生像贊
氣恬而厚骨整而嶙清徹
蘊玉澹遠涵春斯溫斯厲
既固既純囊括萬有儀式
羣倫瞻言山斗箇裏真真
鄉後學景凌霄撰書





序

從來譜牒之學年譜與族譜並重族譜著一姓之事存世系著宗望詳於人而略於事保族之義也年譜著一人一生之事詳其人並詳其事凡所表建上關於國是下係於民瘼者罔不著焉同一家乘故尤重也唐之杜白宋之蘇陸皆以詩而爲譜輯自後人語焉弗詳張石洲爲亭林潛邸之譜志其學行詳其著作爲遺逸之表彰於國是無與也章佳阿文成公年譜爲王蘭泉侍郎編輯凡公之敷歷奏議治軍治河莫不詳載至數十大帙誠大觀也鎮安海澄晏先生以名進士爲農曹郎專


司馬筭歷三十餘年嘗參遠西軍事能疏其梗概從星使按事山左守正與同官忤介如也亦卒如公議歸道山後公子仲燕哀輯遺集以乞金太史雪孫編爲年譜四卷於公仕歷建樹陳議一一詳書年經月緯條分件繫都凡十萬言洵哉其美富也吾嘗歎魁傑之士抱負奇特與世不諧每遭沮廢而公頻經齟齬卒獲發舒何哉蓋其嶢然之操確然不可拔之氣隸事久而職思精洞觀燾結振挈要領包羅遐邇規度久大足以取信於王公大人莫不視偉而篤任之用能成始而成終迨其出筦蜀鹽遂饗羅池之報可謂不負所學焜燿典冊也

已余交公最久家弟尹良在蜀轉運遇事就正函電時
通尤留一簡在卷公見待尤厚掖之使奮亦迄濩落以
此愧公然知公者宜莫余若也質之太史以爲知言石
乎庚午孟夏吉林夷良召南甬時年八旬



序

士君子抱經國濟民之略應運而施之其豐功偉績必有以厭海內之望而爲後世所傳頌此得志於時者之所爲不得謂非甚盛事也至不獲柄全局而通籌之時而佐理部曹時而參贊戎幕時而掌筦樞運隨所處而措置裕如智慮之縝密規畫之精遠爲國爲民之兼籌統計已昭然若揭如神龍翳於稠雲濃霧之中時見一鱗一爪而其興雨濟時之精神固躍躍呼之欲出矣吾鄉晏海澄先生天資英邁志慮深純以光緒丁丑進士觀政農曹平昔於經世之學靡所不究浚霄癸卯通籍



公最悉披閱年譜所詳載者什九屬於鹽務蓋就表見者紀之也而公之宏蘊碩學實不限於茲第以人事多故未勒成書以傳爲可惜耳凌霄恐後之人遂以鹽政專材概公也故亟表而出之是爲序

中華民國十九年二月下澣鄂縣景凌霄涵九甫序於北平旅邸



序

予杜門不通世事久矣日者驛使至發函伸紙則仲燕
世兄以尊人海澄先生年譜屬予爲之序也先生負經
世才數歷中外兼資文武不專以治鹽名於世吾友景
君涵九言之詳矣顧予從先生後觀政戶曹先後長筦
權司又同官鹽政院所與言皆鹽事也先生治鹽數十
年凡所擘畫經緯百端非予所能盡知則姑就所知者
言之當光宣之交澤邸綜度支倚先生重以東南鹽筴
利源亦弊藪也整飭財政從鹽務始整飭鹽務從淮浙
始請於朝命先生暨予等分往淮浙考察是役也予從

先生取道豫省入淮北引地中途爲汝水所困舟車瀕
覆者屢已而自桐柏下長淮度洪澤東行以至於海淮
舟製特異前舟無柁後舟無檣以葦索聯而一之乃得
行淮水方漲彌望無際風至兩舟間格格作響若朽索
將絕者然先生與予同舟行烈日中舟人畏暑往往曉
行午憩所至就荒祠廢驛或蔭大樹下延致父老訪問
疾苦予南人方壯年不足論先生老矣且山居不習水
以至事故賢勞至此良可敬也歸而以行鹽利弊因澤
邸上聞大致以鹽務散漫省自爲政非亟籌統一不爲
功於是特派大臣督辦鹽政之命此議實自先生發

之當是時疆吏大譁交章論列紛呶者逾年官制甫定而軍事興矣然各省鹽政直轄中樞實肇基於此方先生自淮浙歸以稅捐苛碎厲民病商謀所以改絃而更張之乃定裁併鹽釐統一徵收之議小試淮北而效鹽政院立通行各使司查報科目籌議歸併將躔淮北而行之此卽今日統一鹽稅之先聲也夫以鹽政院草創伊始先生手定章制昕夕靡懈設假以歲月從容措置所成就決不止此惜乎時勢限之也先生論鹽法與予有合有不合先生主綱法予主票法而於裕國便民之旨則一先生官戶曹久言色峻厲同曹皆嚴憚之予以

後進直言獻替無所隱先生亦引以爲諍友會有間之者日短予先生前一夕先生訪予出謗書相示所積幾盈篋矣予曰所言公謹待罪所言私不欲修私憾屏勿視先生笑謝去此其事當時無人知焉者今言之所以昭先生容人之量亦以志予知己之感也嗚乎日月不居滄桑屢易先生歸道山逾十年矣仲燕書來謂已卜葬故都西郊予蟄居南中不獲以隻雞絮酒一酌墓下北望薊門每念衙齋對坐官燭深談時光景如在目前感愴今昔不自知涕泗之滂沱也歲在上章敦牂先長至十日吳縣張茂炯序

序

前清宣統己酉晏公安瀾考察淮浙鹽務歸朝上書度支部歷陳畦網積弊非一事權齊法制不爲功尙書澤公聽之言於朝旋奉明詔設鹽政院簡公爲院丞余亦任爲奉直廳參事時度支部方委余清理財政事叢劇不能兼於是奉直廳之事亦歸公主持余雖繫籍鹽院一切但秉公指揮受成而已迨民國初元余任鹽務處總辦繼公之後始盡讀公所爲奏疏公贖於歷朝鹽法之沿革各省鹽務之利病如數家珍如見垣一方乃益歎公規畫之遠綜覈之精同時輩流罕有及者公早歲

通籍卽官戶部筦禹筭者三十餘年洎擢鹽政院丞駁駁大用矣而國事遽變再出爲四川鹽運使在官六載旣去而民思建祠以祀並呈請史館立傳蓋遺愛之入人深矣公之治鹽也大抵順人情因地利酌古之則準今之宜利導整齊以足國便民爲主其在蜀也值川鹽試行就場征稅課食大糶公爲規復官運疏綱恤竈積困始蘇故民尤德之凡當官政蹟國有史墓有志祠有碑無煩殫述余獨就公談論鹽政要指爲平日所習聞者敬舉一二以告當世公之言曰吾國鹽務肇於秦漢以前盛於唐宋以後經數千年之因革損益簿書如束

荀法令如積薪論其善者則管子之計釜鐘劉晏之置
亭戶實爲百代談鹽法者所祖至若廢綱商收場產盡
籠民利以歸官此桑孔理財之術耳又曰李雯言就場
征稅一稅之後不問所之天下皆私鹽天下皆官鹽矣
此書生之見也鹽產於灘價僅一二文稅於官者且數
十倍販私利巨孰願經此一稅者今鹽稅所入什伯於
唐宋稅愈重則私愈多謂一稅之後天下皆官鹽其誰
敢信不問所之則商販操奇計贏爭趨利便窮僻邊瘠
之鄉民皆淡食矣又曰鹽務本叢奸之藪弊在官者去
其泰甚利在民者留其有餘乾嘉朝公私豐富鹽利之

散於民者歲數千萬園林歌舞之盛輿服宴饌之華冗
官游客販夫竈丁仰而衣食者不下數十萬人舉國皆
知其弊蠹而英君賢相不肯毅然剷除者借此爲保富
散財之術也道咸以後雌業漸成弩末無復往日之豪
華而國計民生反因之而日困其故可思矣蓋公所
言者皆深明治體有古名臣識度使展其蘊蓄則勳業卓
卓所建樹必不止此世但推爲琦晏一流尙非眞知公
者公自四川解官歸逾年卒於京邸民國八年三月也
今年春令子樹昌編次公年譜告成屬余爲序距公之
卒歲星周矣朝市已遷曹司星散欲談舊事而寮友皆

無在者今讀公年譜一展卷而議論丰采如在目前執筆以記緒言不禁悲且感也民國二十年三月無錫楊壽柝序

國史本傳

晏安瀾字海澄陝西鎮安人清光緒三年進士銓戶部主事尙書閣敬銘器之奏充領辦北檔房部緣明制按省分司各省要務並隸是房歸唯滿員主其事置漢領辦自此始初分山東司司故筦鹽政自改度支部定名筦權司先後垂三十年諳禹筦術糾剔利病莫不精盡長寮欽服累遷郎中二十年中日有違言湘撫吳大澂督師遼左檄辦營務處師敗績猶手斃數賊所部獲全是役也償兵費二萬三千萬亡所出或獻按丁抽稅議安瀾曰戎燼之後比戶飢殍行之亂且至不如責成各

督撫多方籌措便當事用其言款集民不擾越六年拳
亂作兩宮西狩充行在戶部提調崎嶇戎馬間儲侍羈
勒不戒而飭更訂官制署右參議宣統初元朝廷銳意
鹽法被命赴產銷區域履行攷察凡六閱月洞見癥結
謂欲祛積弊當先明法令一事權歸言之尙書載澤上
聞遂設督辦鹽政處令充提調百務萌始一斷之安瀾
所歷劇職凡諸章奏皆其辭也時豫備立憲有詔監理
各省財政輶車四出復命爲清理處總辦明年廣東饒
抵賭餉議益鹽課新舊商爭甚烈安瀾建議復舊制令
仍繳鹽餉逐年遞增別設公所置正副監督治之允行

又明年設鹽政院授院丞職益專目擊鹽綱疲敝省自
爲政淮北病尤劇迺上歸併鹽釐統收分撥議條爲六
事曰綜收價併局所嚴巡緝定引界清殘網徵關鹽後
卒合眾局爲一而北鹺以蘇繼又擬用是法推諸全國
裁課釐加價雜捐諸目統名鹽稅雖未及施行而後之
鹽稅統一倣此民國二年出爲四川鹽運使川本產鹽
地近頃去票存引稅絀商疲官運成詎病安瀾曰夫周
知千里使無甚貴甚賤虞者劉晏法也事不師古罔克
有濟迺度票地設公垣仍任民販引地復建公司歸商
運垣以統竈販必歸垣交相爲用廠岸大和自此歲入

踰九百萬賦舊額倍蓰焉居官尤清整有風操累給二等文虎章人綬嘉禾章八年謝病還京師川商呈財政部乞回任未報尋卒九年允四川樂山廠建祠著有兩淮鹽法錄要沿海產鹽州縣地理志翁同龢稱其書謂精審過二顧氏云